

吳興長橋沈氏家集

春星州堂集



春星草堂集

曲知誰辨也幾與到何處人

春星草堂集詩

前集

甲午

甲午元旦

具曲

國

春星草堂

萬戶聽殘臘鼓搗祥雲微颺襯晴霞采

燭還留隔歲花親舍白雲瞻故國客衣緇素感京華匣中

寶劍增磨厲齒比封侯鄧禹加

酬戴味秋茂才見懷原韻

一年風月客中過旅館誰憐彈鋏歌律轉應歸衡浦雁春

寒未動液池波鄉關長夢青山好步履同游舊雨多京洛

緇塵何日泮紅亭白塔共摩挲

詩一

聞箏

義甲玻璃撥未停商聲一片月穿櫺卽今寥落知音少閒

臥重衾不忍聽

春日卽事時館惜薪司衡衡

寂靜書齋晝掩扉一簾香篆故依依研涵煥日隔窗炙風

卷晴沙穿戶飛曲巷荒涼春不到重城深邃客來稀花開

梓里應嗤我草長江南人未歸

塵

風起雲飛

一曲歌誰將沙數算恆河幾人身世瀟瀟遠白

古乾坤莽莽過真面能留當路少素衣引避下風多莫隨
肥馬勞奔走別有晴巒染翠螺

己亥

題陸定圃同年冷齋雅集圖

人生如落花茵溷渺無端中有特立者不隨風回旋吾友
陸子性簡肅下筆有神萬卷讀春風三戰文陣酣宴啟櫻
桃飲醪醪儻教被選登瀛洲高文冊班馬儔不然翱翔
粉署中吟詩水部還優游雙鳧飛下楚天闊不乏吏才乏
俗骨脂膏足潤眾所歆皦皦獨清志不奪博得人間第一
官

用太鶴
山人句

祿養雖薄高堂歡赤城之霞建標起官齋一一

詩一

二

環峯巒桃李花開天台春有客有客皆可人小飲不辭醉
顏赭長吟爭誦佳句新吁嗟人生貴行樂擇官如君真不
惡君不見屈身攢眉權貴間終日不得開心顏又不見簿
書滿案日不足憔悴風塵人局促

貞壽余母百歲壽詩二十四韻集易林

宜家壽母節慶之德貴流子孫長生無極關雎淑女柔順
利貞許嫁既婚光禮春成富年早寡行中規矩襁褓孩孤
但自勞苦同巢共乳慈烏鳴鳩三雛相逐專一無尤剋身
潔己倉盈庾億九族和睦安無怵惕仁愛篤厚受福多孫
鶴鳴彈冠憑乘風雲宜出馳驅新受大喜雙鳧俱飛身載

百里光輝照國得職蒙恩頌聲竝作政仁且溫積善有徵
符左契右曰壽無疆以尊王母鳩杖扶老飲食玉英自然
燕喜入和出明茹芝餌黃金牙鐵齒履節安居載受福祉
華鐙百枝景星照堂千秋起舞長樂行觴

題斗笠袈裟像

盟心欲皈兜率插脚想出風塵衣鉢傳來真訣畫圖省識
前身

妙寫諸天游戲相逢一笑無言慧業證成因果名經留與
兒孫

傀儡圖

詩一

三

造化小兒局元牡游戲弄人同木偶莽莽乾坤一劇場離
合悲歡罔不有利逐蠅頭弗憚勞名爭蝸角生防後形骸
土木習趨踰優孟衣冠效淨丑脚跟無定若轉蓬暗地機
關線牽走安知天際不有真人冷眼看大笑壺盧欲掩口
畫師潑墨善知識一幅丹青脫窠臼大千世界恆河沙作
如是觀孰曰否

漁舟吹笛圖

泛宅煙波老釣師霜楓掩映鬢絲絲笛枝吹出漁家傲人
世炎涼渺不知

辛丑

偕奚虛白費見山兩上舍黃樓堂茂才鈕壬林家響
泉兩孝廉蘇公祠薦芷分韻得飛字

葦躔牛女揚朱旗妖氛冥冥海水飛一曲蒼谿隔烽燧眉
黛依然明翠微瓣香共踐城南約坡公祠宇連禪扉峴山
倒影落杯酒玉湖浮碧侵人衣拇戰忽作兩軍見酒兵軍
令相依稀緬懷汴宋論公世元祐元符朝局非惟公倅杭
折夷使正朔遂稟高句驪定州弓箭好身手北門坐鎮揚
軍威公之經濟鮮傳匹豈徒文字真吾師讒人高張沮柄
用投荒去國情依依他年孝皇讀遺稿生不竝世空獻歎
吁嗟乎黃鐘多毀棄千古恆如斯公生孝皇世未必竟所
施君不見張趙立朝能幾時

詩一

四

新婚詩

家聲八詠擅文章吉繇于飛總鳳皇逆婦剛逢霜降節立
輶雙駕鄭公鄉合歡鈴映菜囊燦介壽杯分菊酒香聞說
女奴詩傳習不徒詠絮播芬芳

又代人作

一片簫聲引鳳皇客來爭譜賀新郎天然眷屬聯珠璧難
得門相竝謝王眉黛閒描青鏤管腰圍剛佩絳紗囊承歡
早博高堂笑菊酒雙擎介壽觴

題寒江釣雪圖

雪花六出飛冷浸半江水遠山暝如睡雲凍不能駛衝波
一釣舟撐入冰天裏幽懷野鶴共孤蹤輕鷗似眷言水精
域白描託素紙假問垂竿人疑是天隨子

題種梅圖

山中誰贈一枝春種向空庭臭味親爲問幾生修得到當
頭明月悟前身

乞吳丹木畫扇

一枝秃筆滌塵氛濃作煙波淡作雲邱壑縱橫曾次出辦
香不奉李將軍

扇頭濡染墨痕皴水色山光入握新寫到懸崖飛瀑處石

詩一

五

邊添箇聽泉人

壬寅

題聽泉圖

塵世庸耳多但悅絲與竹有客獨好奇賞心越流俗不學
陶淵明曳杖慣聽田水聲不做戴仲若攜酒愛聽黃鸝鳴
生平雅抱煙霞癖不辭膏肓爲泉石何必廬山巔瀑布流
潺湲何必匡山谷真珠噴萬斛吾鄉繞郭峯巒青泉出山
下聲泠泠與耳爲謀皆可聽松濤搖空更相沁入酒腸
陶然醒畫師繪聲竝繪水煙雲一揮落素紙展君此圖逸
興飛我欲相從一洗耳伊誰步履同攀尋疑是洪崖先生

赤松子

戲贈某君

人生書不讀萬卷餘路不行萬里許扣槃捫管少所見下
筆但作兒女語客何爲者今之狂遨游四海興未央恨不
策鼇跨扶桑五羊城古學峯翠小住不數日醉醉來作
畫還作詩十指淋漓帶酒氣興酣耳熱談轉高高談驚人
人辟易一朝鄉思催尊鱸扁舟歸來帆影孤裏中不攜南
海珠但有五嶽真形圖謹呶對客呼烏烏

癸卯

竹舍誦經圖爲竹舟和尚題

詩一

六

卷中有東吳周郎者題北曲數闋棒喝緇流埽空
佛藏痛快無比予詩卽其詞而反之

我受孔子戒泛覽釋迦志象教有原本略能道其意白馬
馱經來早已立文字多羅罽賓人十誦通大義鳩摩方童
年一日誦千偈求道貴猛力斯言聞寶誌誰云大小乘精
誦乃中輩達磨來江東盜竊老莊祕妙悟示解脫禪宗於
以熾豎指見傳燈明心證初地談元一何超鑿空豈無弊
揚波及野狐慧門誇不二有如儒家流良知師說異上方
渺何許延生招提寺誦經有開士窗竹滴濃翠翠竹千百
枝無非般若諦業精貝葉文達者嗤多事吁嗟釋氏微宗

風渺已墜混迹彼繙流紛紜竟何爲但使日誦經寸心得
所寄誦經口茹素愈於啖馘誦經手捻珠愈於縱博戲
誦經而禁足愈於丐布施誦經而謝客愈於迎車騎擾擾
起六塵茫茫墮五翳能空翳與塵乃生慧與智寄語禪和
子慎無發高議

宿申衙浜

屋老不遮雨雨後生綠苔風聲穿樹過月色破窗來遠寺
聞鈴語積垣有研材

壁多
晉甌

淒涼未成寐村酒起銜杯

過夾山漾

丙舍經營數往還櫓聲遙度郭西灣浪花高卷全平岸雲

詩一

七

腳低飛不礙山秋興頓添烏柏冷幽棲欲共白鷗閒浮家
便是張漁父多事春官一紙頒

時將計
借北上

江北大道中寄內

江波如吼響中流望裏金焦兩點浮風雪一天雲四面布
帆安穩入瓜州

櫓枝搖曳睡初酣身自北行夢自南鏡影分明妝閣畔課
兒誦到鹿鳴三

舟行感興

天險圖山障海波輕教番舶御風過槁師曾費商人幣殺
敵誰揮壯士戈種毒有花邊釁起和戎非計杞憂多大江

南北襟喉地陰雨綢繆近若何
洪流南下建瓴如釜底揚州不可居隄決汴河傾帑藏陸
沈淮甸斷犁鋤生民頻困堯年水運道猶存禹貢書節級
轉輸唐舊制變通先在議倉儲

舟行雜詩

北船遇北風揚帆眠舵樓南船遇北風束手心煩憂寄語
長年輩勿喜亦勿愁彼勞我斯逸往滯來乃適欣蹙各懷
私遲速難自由人生天地閒于役方未休行止付造化長
嘯起滄洲

順水放舟易瞬息百里外逆水挽舟難十步九倒退難易

詩一

八

勢攸殊安危機轉異挽舟心慄慄一絲懼失墜用力多艱
辛安穩了無害放舟喜洋洋顧盼頗自快中流不自持石
觸一舟碎一彼一此閒得失果安在

局促復局促有屋小於檣蘆根雁參差繭內蛹瑟縮低田
秋被淹積水成川瀆高田幸苟完乍收糧三斛有婦容熙
熙雙足健春穀有翁色欣欣牽蘿補茅屋豈真俯仰寬地
瘠民寡慾可憐富家翁會計無厭足吁嗟宰官身熱中太
鹿鹿乃知神明恬不繫爵與祿人生不稱意盍歸耕且讀
庶幾葆吾真勿爲形骸役

天晴人歡欣霽色明雌霓天陰人淒其晦暝雨滲滴獨有

遠行人陰愁晴亦覺連朝風雨多矮篷盡霑溼今夕雲霾
淨推窗見月色葦花映清波鄰舟弄孤笛笛聲何蒼涼離
愁動鄉國五載依北堂骨肉罔分析長風催北上庭戶鎖
蕭寂月明遙相望各有虓痕拭

月夜過淮安府

南風努力送船檣贏得篙師喜欲狂兩岸荒雞鳴夜半一
帆明月過山陽水程行盡鄉心遠霜葉飄殘客夢涼擬訪
淮陰垂釣處斷煙衰草感蒼茫

宿滑縣和壁上韻

三九嚴寒苦憶家輪蹄已瘁客程賒荒村徧是三毛飯淡
詩一

九

水艱於七品茶漫說燕臺搜駿骨劇思鄉樹著梅花白雲
深處頻回首親舍迢遙雪水涯

詠蓴羹

蓴根一采竟如何消受甜酸苦辣多待到和羹登鼎甕始
知眾味盡恩波

題雪夜贈炭圖

難得高山曲曾逢知己彈雲天紆遠照雪夜不愁寒一化
列星去空懷夏屋歡西州餘涕淚寫作畫圖看

復題

代人作

君不見晉靈輒唐杜甫恩酬一飯事千古一飯之恩曾值

幾眷眷難忘是知己少穎主人昔未遇四海曾無卓錫處
使君銜命金陵來雙枝畫戟臨江隈昔時珠履任來去謂
吾幕中惟公才平原肝胆相披瀝攝衣遂上黃金臺西州
一慟星霜換宿草深深蘆溝畔追懷往事感知音持贈何
殊雪中炭繪摹此意入丹青裝爲尺幅懸戶庭深情脈脈
此中寄一瓣乍熱心香馨吁嗟世態變朝暮昨日恩門今
陌路披公之圖重公義願獻一言廣公意使君之德不可
孤盍傳衣鉢爲其徒搆起千閒萬閒杜陵之廣廈庇盡寒
士家家懸一圖我亦風塵久憔悴一領青衫十年碎逢人
飽嘗白眼憎臨歧頻下窮途淚儻念一寒何至此古人有

詩一

十

言自隗始

詠五鹿乞食事

風塵白眼任相看此日休嗟乞食難報德千金非易覓不
叨一飯卻心安

周母黃恭人七旬壽辰百韻詩

平利炮媪治華胥叔嫗翔安登襄少典儻祖啟乾荒職植
風猶古龐鴻氣未央筵虛康爵進書缺暇詞颺草味逾絲
曖芸編重福祥周頌陰禮漢譜壽人章嘉頌修鞏悅華
言疊縹緗况兼葭誼切敢斬蔓辭詳娥月呈圓相媿星作
寶芒女宗賢獨數佛果善無量丹棗來西極金護茂北堂

籌看添甲子算許協陵岡允備箕疇福羞誇葛肘方六珈
衣被翟十賚詔銜皇慶積芝盈砌謀詒笏滿牀鴻釐滋蔓
衍雀躍效揄揚地秀鍾韋杜家聲匹謝王陸終分土舊江
夏導源長裏革傳弓冶投壺靖斧斨十年屯自守三索兌
爲行婉婉情無忤徽柔度有常璇閨儀不忒金井步彌莊
玉謝茗華刻書教璫瑁裝瓊詞追賦茗靜德息爭桑執甕
循師教揚肅禮防絮才陵謝女冰語叶周郎華胄濂溪
盛英聲日下彰鹿鳴邀孔薦鳳卜筮媿昌秦女依簫史梁
家得孟光蛩氎從愛玩鸚翼共徜徉賭韻分鸚硯承休發
亂筐堇苴供旨滑蘋藻謹盛湘鍾氏惇家範崔宗鮮世妝

詩一

七

儀型貽舉室怡樂洽尊嫜策射金門遠珠遺得海藏衣緇
仍洛下裘敝又咸陽瓠落馮生缺薪勞武王曩鳶肩遲際
會龜手矢助勦鄭絡秦箒繼男錢女布忙潔蠲周概散辦
擋逮巾箱豈患魚生釜何知雀噪倉威姑情旣慰皇辟業
無妨教胄追虞典鳴琴出帝鄉鳧飛功奏最鯉弭績稱良
纒軾留循蹟廉車秉憲綱福星家載澤生佛戶焚香釐剔
思鉏薤馳驅或舍棠上游欽召杜內治賴姬姜萍邑風借
勵虔關績共襄絲綸榮益懋慈儉訓彌臧象服温恭著魚
軒貴倨忘賢雲瞻布濩德水沛汪洋每祝閭閻裕時祈里
社康輿臺欣化洽侮甬仰仁滂采菽勤修善茹荼厭截肪

蝶衣同白屋鴻案閒黃梁椎髻捐金釧荆釵卻玉璫展如
風不忝任只頌堪當樛木恩斯遠迴波意每傷驅車憐犢
轡覓藥鮮鷓湯阜茨偏能賣緋桃枉被戕尹邢常避面沲
汜易沾裳蕙質澆風絕蘭閨采伴將簪花書竝肆流苕腕
同攘媿嬖賡連袂娈娛樂比房娥眉因克讓螽羽遂餘慶
銀鹿娛文祿金陵泛綵航輿歌騰里閨家政念門牆歸駕
嘶珠勒回車走玉環吳臺辭渺渺易水度泱泱綠野新歡
乍紅橋舊夢剛丁簾開次第子舍肅趨踰樽酒斟重碧楹
書啟硬黃桑榆娛晚景蘭桂列羣芳薛鳳名齊噪荀龍佩
共瑋烏私陳異李羸負備他楊人紀和風扇天倫樂事償

詩一

三

心明皈正象膜拜曳珩璜貝葉澄懷朗楊枝漱齒涼慈航
登彼岸慧劍厲寒鋌鹿女離塵垢狐禪埽秕糠參乘除魯
莽居里慰周悼食擬黔敖奉袍憐范叔僵指困貽雁戶濟
轍酌鴛漿金母堪圖畫巴清許頡頏解龜辭檠戟策蹇問
松篁竹徑鄰邀伸芝田皓覓商方期偕白首豈意懂黃腸
化石悲山上含館弄膝旁祥琴諧律呂官檄捧琳琅輿自
安仁御羹從考叔嘗紀年當赤奮祝羨介洪梁人向龍門
集賓看鶴蓋張金駒開翡翠繡幔捲鴛鴦一石資傾罍雙
成效按簧忝居姻姬列徒切樹雲望瑤島懷三鳥銀函釋
九羊延洪知有自綰綽頌無疆瑣語誇微實偏才愧引惶

期頤瞻壽母更晉百桃觴

甲辰

元旦 時在鄴

更籌一夜轉官衙曙色春光到眼除隔歲花留雙畫燭滿
城竹爆萬人家旅情游子瞻雲影心事文人賦日華咫尺
盧生舊祠宇捨仙求夢願非奢

四月八日游萬壽寺

一徑古槐列綠雲萬寺門花光環四座塔影對層軒七盃
茶神興一家詞客言泥金休問訊此地隔塵喧

次日揭曉

和周旣庭丈秋柳四律用漁洋韻

詩一

三

長隄無計返春魂木葉蕭蕭下薊門瘦到十分秋有骨涼
生一夜夢無痕雨絲風片橋邊樹畫稿詩情水外村金粉
繁華銷歇盡舊時丰格向誰論

彈指光陰早肅霜尙餘疏影滿橫塘黃花明日尊前酒團
扇秋風闥裏箱革帶當年愁沈令錦衣何日遇錢王攀條
且別春明去五色迷離宮錦坊

九烈空聞汁染衣一番春夢事全非歸來張緒容都改老
去玉恭髮漸稀放櫂江南村寂寞停車灞上葉紛飛不堪
重上樓頭望悔覓封侯願又違

吹殘羌笛劇堪憐點點霜痕淡淡煙楓葉荻花同冷落鶯

呢燕語憶纏絲相逢今雨無青眼散盡黃金不少年輪與
碧桃紅杏樹日邊栽種又雲邊

答旣庭丈贈作卽用原韻

瓊林高處又開筵墮落罡風似隔天成佛分居靈運後著
鞭甘讓祖生前望雲客舍三千里旅食春明十二年天降
爾材應有用未容便刺釣魚船

陳蕃下榻感依依盼斷泥金到板扉鑑裏芙蓉成畫餅盤
中苜蓿當傳衣偶然失馬何輕重不少登龍混是非有約
輓紅塵再踏門閭仰望且旋歸

驪歌一唱又銷魂孤負殷勤北海尊鷓鳥退飛頻鍛翮羝

詩一

十四

羊壯往孰開藩相非食肉甘餐藉養少調甘媿樹萱懸布
徧陽蘇更上不才何以達 天閭

休嗟金線壓年年自古風雲止一鞭對鏡修眉妝乍試著
花老樹色彌鮮名經指日參諸佛法曲多情約眾仙手把
將離暫歸去好音聽徹九秋天

題吳朗夫紀游圖

雪花壓檐高一尺鳥雀無聲戶庭寂叩門有客不知寒滿
袖煙雲展瑤冊泛皓月兮聽流泉羨君攬勝窮吳天丹青
一一寫毫素綠波激灩嵐光鮮與君同住山水窟我愧風
塵飽衝突東望岱宗西太行燕山北峙雄且傑客途良亦

愜幽賞繪摹未倩荆關筆
苔谿雪谿圖畫中歸來慣扶游
山筇心香一瓣寄清風
孤山處士西塞翁

采藥圖

伯休賣藥居市廛
餐玉更求仙人傳
仙人山中結茅住
雲滿山兮不知路
驚濤萬斛落長松
荷鋤小奚松下逢
舉手笑指白雲裏
深山何處尋靈蹤
從來服藥求仙計
殊左茹芝餌黃嗤瑣瑣
歸來細讀黃庭經
一笑真師乃在我

詩一

五

輦紅草

乙巳

授官刑部宿四川司示徐子舟同年

王李魁奇士當年此唱酬於今三百載猶說白雲樓鞅掌
功名薄停年日月道寂寥懷古迹誰與繼風流

重九偕周旣庭大理丈岷颯學博遊光林寺

招得湖光入酒杯年年秋禊峴山隈客中無此登臨勝古
寺聊驅薄笨來佳節偶逢休沐假勝遊難得作詩才京華
豔說天靈菊認取禪房萬萼開

詩二

野竹疏花聳一邱四圍占得十分秋塔鈴不動晴雲駐山
翠遙看宿雨收金雀銀鑾驚盛飾兒童崽子溷清遊塵氛
擾擾慵舒眼最憶元龍百尺樓

買菊

一笑掀簾拍手呼論交賢似此花無相逢吾輩何妨淡但
對清標便不孤奇節永懷高士傳古裝倩寫老人圖

老僧
衣菊

名城如海宜身隱何必東籬作酒徒

夏日赴 圓明園

扇子河邊寶鑑開月鉤遙逐馬蹏來應官慢說忙如許飽
看荷花又一回

悼蛹 刺鉤下也

美人織當戶五色工纂組可憐機中絲縷縷皆辛苦吳蠶作繭口卒瘞吳蠶作蛹螫復蘇獻繭者誰心膽粗剝取入已肥妻孥一剝復一剝蛹在繭中哭蛹哭渺不聞生機漸以蹙宛轉將死未死時我爲請命前致詞蠶種護惜毋芟夷生子明年還吐絲

歎鴉

憫罹法也

烏將雛雛飛在路隅有鴉有鴉慣取子空中一擊無完膚手爪毒網羅觸鴉有罪兮不可贖雛與鴉胡尤鴉與雛胡譬饑來眼注口中哺遂盪其腦截其喉口中哺曾有幾性命鴻毛拌一死飢不擇食至於此吁嗟乎安得粟滿囷甚滿林果爾腹懷我音鴉鴉鴉鴉兮化爲祥禽

憂虺

戒養患也

長蛇昂頭頭生角雄據長林間蜿蜒及榦桷天矯拏空不可捉究其肇禍始蝟蝟一虺耳主人好林園歲久蔓草繁羣虺伺隙潛籬籬籬園丁不解事坐視無一言斬蛇之劍光萬丈我欲借之伐榛莽聚而殲旃若反掌勿使虺兮爲巨

蟒

憎豕

防外侮也

南風多豕涉波籬籬夫豕突入吮人血膚踞人室大官之

庖屠牛刀胡不橫磨霍霍斬爾曹啖肉絕脰搜肝骨爾貪
伊可怒爾愚或可恕哺爾以糟醜庶感我煦嫗人言爾豕
不足慮旣曰爾豕不足慮胡爲躑躅門庭不肯去

荅周蓮伯明經

梁溪一片月曾照影雙清之子又行役新詩動客情隋隄
秋水闊燕市暮雲橫留取西窗燭春宵話雨聲

古意

美人遲我仙之居殷勤遺我尺素書開緘讀素書仙居竟
何如上言良辰歡下言長夜娛堂上何所有木難青珊瑚
席上何所有懸黎明月珠鴛鴦七十隻隻聲相呼碧桃

詩二

三

三百樹樹樹函菱荻鳥語花光天上下羣真雜選酌瓊笋
斯遊貴及時歲月不爾假我感美人意良厚膏我車兮秣
我馬欲行不行行且遲足起趨兮有所思儂家住村裏脂
粉了不施誅茅編竹有眞樂但願相守無相離還君素書
與君絕讓君獨抱神仙骨

明珠曲弔某太史

胥江之水清且膩一顆明珠吐嬌媚掌上誰擎入五都懷
中宛轉如人意皎潔平分皓月光聰明慣記燕公事蓬萊
仙客擅風流小譜燕蘭取次搜鷲見珠胎驚絕世琪花玉
樹倦舒眸珠喉輕脆歌新曲暮暮朝朝看不足玉尺平量

百幅綾歸裝一擲藏珠櫝箇中心事共珠圓溫柔豔說神
仙福金盡牀頭典肅霜盤中珠走便無常華筵照耀探驪
使祕室句留合浦郎萬喚千呼珠不到盈盈一水斷人腸
一水盈盈隔萬里階前枉種相思子十丈情絲劇可憐纏
絲甘爲明珠死一生一死總情癡珠去珠來共護持聞說
水仙又解佩招涼亭畔締新知

喜林少穆制軍奉 召來京

屯田萬里路漫漫陸海天教拓賀蘭臣罪久經公論定
聖明終惜此才難忽聞 溫詔傳三殿頓使歡聲動百官
歸路旌旗春色滿玉門關外不知寒

詩二

四

又聽雞人報曉籌 九重前席問從頭
碁逢變局圍重解 病已更醫藥再求君
實勉爲天下事賈生能代至尊憂於
今謀國知誰屬莫漫江干刺釣舟

苦寒吟和周岷颯學博

有客有客蟪蛄巢各持一筆暮復朝朔風怒號驟凜冽
硯冰高凸硬於鐵捉筆在手指將裂楫楸欲煨鑪不然柝聲
敲斷人未眠涼月窺窗鎮相逼袖手相對心悄悄忽憶豪
華朱邸擅醇酒羔羊正開宴又憶街頭賣餅翁蕭條襁褓
風霜中世事不齊殊悲歡書生之寒猶非寒敝裘在身誰
云單襪然一笑共拊手陡覺煖氣融融生戶牖

丙午

謁楊忠愍公祠

萬物隨波靡特立有柱石羣卉望秋零孤高有松柏在昔
 嘉靖年天子修元默權臣竊威福炙手勢炎赫脅諂徧公
 卿苞苴羅牧伯貂璫結奧援緹帥聯姻戚有敢撻其鋒奇
 禍中旦夕塞上曾侍郎遼左沈經歷覆轍有如斯誰更踐
 其迹惟公勃然怒鷲鳥奮一擊馬市斥邪謀狄道甘遠謫
 重蒙當宁憐遂捧山左檄拜職趨陪都朝右仍通籍是時
 分宜相嫌隙已頗釋公如相周旋雲霄升咫尺不然但緘
 口官本無言責公謂宇宙間正氣不可息公謂君恩重頂

詩二

五

踵不足惜一昨還京華孤臣未煖席遽發姦臣姦罔顧逆
 鱗逆彈章千百言字字肝膽瀝援引及二王鉗網肆搜剔

至今法家言廢讀人淒惻當時以詐傳親王令戶羅織成獄今令甲巳刪此條蚌膽

屏勿受箠楚一何劇刮骨與剜肉千古兩奇特一朝臨西

市天地慘無色浩氣撐長空此漢真鐵脊昔我渡北河憑

弔佳城側今茲一瓣香下拜瞻松栢清時褒直臣明禋載

典冊豐碑誰手書諸城舊相國巍峩解豸冠薦芷挹芬澤

乃知員外居遠勝相公宅試尋嬾眠堂斜陽一片白

周縵雲太史邀同汪菴卿馮小亭周旣庭陸眉生俞

少軒秦遇亭華荻秋暨介弟岷颿消寒詠唐花分

韻得宮字

木落西山山欲童草枯四野雲霧消寒有約踏凍去朔
風怒吼翻長空掀簾騫然見春色花枝照映何嫣紅絕勝
吳綾翦隋苑渾疑羯鼓催唐宮聞說花師出新意巧奪造
化天無功劖土築室地數弓曦迎南面開窗櫺奇花初胎
列四壁滿鑪楮泥痕融國色天香皆熱客冰肌玉骨都
冬烘資罌一夜炎蒸透雲羅霞錦開芳叢遂教三九冰雪
天買春西市多花驄攜來座上嬌春風可惜靈根驟發洩
披華啟秀憐怱怱花不能言應有恨恨不移栽冷處儂蒿
蓬

詩二

六

馮小亭太史招同消寒詠風箏得高字成三十韻

翦得淮陰紙風鳶接羽翹霄梯平地上天籟入雲高臨沼
重圍合臺城血戰鏖但聞健羽舉未聽土風操踵事伊誰
始嘉名忽又叨高駢詩句峭楊譽賦才豪都會繁華擅良
工結構牢程材求白榜扶幹選青笏繪畫生花筆雕鏤冶
鐵刀行空圖匹馬戲海象雙黿仙蝶能舒翅飢鷹欲脫條
美人顏似玉武士頰添毫羅列連楹滿羣觀入市囂買來
遣童僕喜動到兒曹晴日無邊麗春風著意饗片帆爭鳥
疾一綫若絲纜揚袖難留步飛輪不藉尻掌中方跼跼絃
上更嘈嘈吹笛思緱嶺鳴環想漢皋脰疑滴蕉雨遠或和

松濤縹渺陵千仞依稀戛八墩鐘師工協律鼓吏善搖靴
升降持龍節參差植鷺翻上方銀作柱供奉石爲槽別調
參懷遠新腔奏李搔胡笳聲激越趙瑟韻嘈嗷低唱陽關
柳嬌歌露井桃何如任天動曾不費人勞凡響卑絲竹奇
逢假羽毛自然娛我耳樂趣並游濠

周旣庭丈邀同人消寒詠諸葛銅鼓

赤帝斬蛇統再絕白水樓桑起桓撥敲破蠻煙兩銅鼓前
者伏波後諸葛金雞碧馬古蠻夷此鼓留自南征時荒戍
深埋瘖藜滿夜深輒見光陸離耕犁犁出尙完好神物疑
有神扶持襄平相國涖南土金石搜求獲此鼓不繫舟齋

詩二

七

荷持贈

蔣礪堂相國秉臬滇南時
得此以贈不繫舟齋主人

我來摩挲詫奇古度圍

四尺高尺五腰紋五銖土花聚厥腹空虛可作釜王師昔
渡瀘此鼓在部伍野煙舉夾餒煮氣浮浮烹蒿菑士飽於
涂皆勁旅勁旅直前戈矛森援枹一擊孟獲擒南人帖耳
無畔侵丞相天威有如此治夷之策可知矣卽今滇南銅
礦開連檣轉運燕都來我欲鑄爲千百鼓鼓聲一一如霆
雷霆雷之聲海上作絕域驚聞心膽落奔走借來效蹶角
吁嗟乎南征鼓聲不可聞令人苦憶諸葛君

都門柳枝詞

東苑樓臺上接天春風吹出萬條煙壺盧小盒何人繫冷

落空枝五百年

鷹臺雙柳峙西東文帝旌旗在眼中一去榆川蹤迹斷麴塵依舊颭春風

皇姑古寺客題詩掩映山桃綠滿枝出塞未銷羌笛恨至今眉黛只低垂

青旗影落水中央罨畫溟濛玉竦坊口敕不聞宣躡柳晴雲漠漠過端陽

玉水丰姿久寂寥豹房回首欲魂銷迷離一片煙中樹曾與夫人鬪舞腰

碧葉如雲罩石關煙光遙接玉泉山生癭老樹無人問併

詩二

八

作香臺一味閒

百尺飛虹一水長宮花如海舞垂楊驅車昨過南池子晴綠深深上短牆

層臺鎮日翠雲屯適景真推第一園愁絕山亭尊酒地周遭濃蔭了無痕

春歸何處有啼鴉楊柳灣頭楊柳花詞客不來歌詠歇蕭蕭疏影夕陽斜

李園綠水繫青條曾引劉郎過小橋曼閣漚臺都不見漫從東市認前朝

雙清亭接大通河倚岸停橈秋氣多聞說柳陰最深處有

人倚枕聽漁歌

高粱橋畔客提壺酒幔斜搖柳幾株安得春光濃蘸墨煙
絲寫入上河圖

踏青舊地憶年年春日濃陰綠滿天點點楊花迴雪舞黑
松林下打秋千

涼痕踈地色青青上有高枝倚塔鈴聞說隄邊爭繫馬尋
春都到雨花亭

無復園亭傍水涯行人猶自說梁家秋來贏得詩情冷露
葉煙絲伴葦花

頤園

詩二

九

濃翠四圍合西山一角斜蟬聲連樹樹鶴影隔花花市遠
人攜酒泉甘客試茶論園如許買小住欲移家

宿四川司贈那眉峯郎中

襖被憐蕭瑟同聽夜漏長竹聲搖古砌月影落虛堂事簡
身容嬾心閒夢亦涼需才今孔亟冷落惜馮唐

明宮詞

東苑旌旗浸碧暉御前齊著只孫衣鳴弦博得君王笑一
樹壺盧一鴿飛

小幅鍾馗御筆標金鰲坊外玉爲橋龍舟鬪罷剛亭午又
看材官躡柳條

歌聲惆悵兔兒山身比黃花一樣閒生羨玉河橋下水居然流出到人間

望湖亭下水波橫煙景冥濛畫不成青雀舫腥銜尾過宸游如在漢昆明

游宴年年看水嬉趨臺林木接龍池淚波一掬流清汴從此傳宣斷玉熙

都門雜詩

碧雲僧院草萋萋古木成陰舊夢迷聞說香臺來玉輦水天一色手親題

好夢紛紛乞呂仙門前水木共澄鮮斷碑一片棲殘照兩

詩一

十

字難稽萬历年

柳色如金映碧桃皇姑遺烈動詩豪出關苦拒紅顏諫傲幸秋風唱大刀

禊事曾聞三月三人來柳井共停驂折枝欲贈長征客且訪前朝普濟庵

裂帛湖東天壽山裂帛湖畔蘚痕斑荒邱贖有三眠柳未與南宮樹並刪

積水潭邊菴畫開長隄六月下龍媒青牛獨角人爭看紅仗金鈎隊隊催

丁未

寒食節偕陳芝楣太守亦雲上舍周旣庭丈鄭樹齋

中翰游頤園

連朝東風酣晴雲駐清晝郊外發高興勝侶暫焉湊驅車
繞郭行春水蹙微皺綠雲未滿樹樹杪已吐秀忽見楊柳
枝纖纖出翠袖頓使客子驚明日清明又

頤園舊游地徑曲涉疑似假問垂竿人遙指輕煙裏方塘
淨於指小亭翼然峙林疏瞻眺遠遠水清且泚夏日草木
長荷花滿汀泚豈不愜幽賞清曠轉輸此

眷言陟高阜阜高景益嘉上有長松枝下有天桃花鶯語
早猶澀蜂聲晴已譁小坐樹邊石共啜甌中茶茶多生微

詩一

七

涼况復春風餘欲去重徘徊夕陽忽已斜

花之古招提花事擅南郭歸途破禪關林表晚鐘落階前
牡丹芽重重茁跗萼欄外海棠樹陰陰展帷幕屈指開花
時共踐看花約

題陳芝眉太守鳳城春夢圖

夢於明月夜游清曠地
一人前行吹簫度曲曲

中有丹鳳城南
尺五天之句

十分明月大羅天仙侶同游話夙緣一夢卅年今記取幾
回身惹御鑪煙

蠻花犵鳥入歌謠循吏聲傳萬里遙無限去思留不住又

隨仙籟聽鈞韶

城南春色昨相招遊屐追陪過野橋尺五莊前芳草綠夢
痕何處認吹簫

戊申

餞春

今年春冷百花遲春去春來曾幾時恰似故人逢馬上新
攀衣袂又臨歧
韶光九十忙中過花信渾忘廿四巡容易離筵今又啟一
年孤負豔陽辰

海棠庭院動吟懷酒色濃分婪尾杯紅燭雙然花四照東
皇爲我暫徘徊

詩二

三

重九游天靈寺

秋光占得最高臺客裏登臨今又來漫把茱萸思舊侶朋
簪喜有不凡才

乙巳同游岷颯既庭丈及小阮敬甫今敬甫在滇南岷颯招而不至是日有袁子上方夢松兩

君同游

西山翠色上眉頭如此詩壇足唱酬獨怪無心王學士年
來但愛醉鄉游

岷颯手書有獵酒情濃看山興淡語

浮圖高聳入青雲鈴語搖空不可聞爲愛香光遺迹好殘

碑徙倚立斜曛

題畫像

手一卷跌坐蕉葉上

扶疏樹繞屋屋小疑清光有客天爲徒世界今羲皇紉蘭

可作佩褰荷可作裳蕉葉大如席跌坐恣徜徉碧痕上衣
袂著膝生微涼借問讀何書得意言已忘

席上示主人

拇戰何妨更一巡齒芬霏玉莫津津座中今有彭城貴才
語須防說向人

己酉

秋燈課讀圖爲馮小亭太史題時將典試湖南

雛鳳方生老鳳死結褵以來三載耳家徒四壁子影煢茹
藜飲冰若甘旨遺孤在抱仗母慈遺書在楹讀者兒兒飢
母兼父兒讀母兼師秋竹當階弄清影秋月照窗宵漏永

詩一

七

此時一機一卷共一鐙鐙光熒熒暗復明四壁吟蟲忽已
闕但聞織者讀者相和無停聲績學膝前如績紡翱翔鵬
風九萬上簪花杏苑名第三起草蘭臺寵無兩新駕輶車
踰洞庭搜盡奇材入珊瑚材搜珊瑚網登彤廷母誠遠貽心
鐫銘官燭雙然眼如電猶憶一機一卷共一鐙

隋文帝塔

路入光林一徑平隋時梵塔尙崢嶸高臨初地秋風動遙
對西山夕照橫珠網千年留淨土錦帆二世斷蕪城我來
欲問開皇事鈴語劬當聽不明

唐太宗哀忠墓

楊花開後李花開，依樣征東萬馬來。
武不愁新鬼哭，瘞骸空替古人哀。
禪關已改褒忠額，宮掖猶聞敢諫才。
爭似富民頌漢爵，暮年溫詔動輪臺。

邱真人長春宮

雪山萬里赴招尋，片語能回嗜殺心。
瑤島何年黃鶴駕，珠宮終古白雲深。
遺蹤珍重談刳木，軼事荒唐說鍊金。
相約明年燕九節，石臺共覓女真琴。

明李太后九蓮菩薩畫像

豔說前身是九蓮，花鬘一幅繪金仙。
現將色相三千界，閱過興亡二百年。
飛騎已無中使到，遺聞賸有老僧傳。
護持

詩二

古

長藉空王力，擬撰璇儀補釋天。

擬江文通雜體詩

魏文帝遊宴

蓮花何灼灼，蓮葉何田田。
初日照芳池，花葉相新鮮。
上有鸞鷺飛，下有鴛鴦眠。
置酒高閣上，冠珮紛躡躑。
有客抱琴至，逸韻動清絃。
一彈眾山響，再彈魚出淵。
世事何足道，適志惟林泉。
清風吹我懷，夕陽在山隈。
車馬忽已去，獨立重徘徊。

徘徊

殷東陽輿矚

春風吹我屐，無往非所適。
好景在目前，何勞恣選擇。
林花

自在香池草隨意碧游魚躍清波飛鳥振逸翮天機豈不
曾塵慮久已釋曠懷如太空浮雲渺無迹愚者不知樂乃
爲形骸役

顏特進侍宴

日星呈嘉祥川岳協靈瑞表正握神符履中開郅治高宮
粲翬飛廣殿紛鱗次露寢展辰謨雲臺納高議寶甕西序
陳璇圖東楹置旌旗互輝映劍珮爭趨侍交孚筮泰爻式
宴荷天賜搢笏逮下僚珥貂躋高位八珍出御廚兩階奏
仙吹肉許東方割幘笑滄于墜仰叨天室恩共承玉宸意
媿非鼎鼐才膺此腹心寄榮重分旣逾寵甚酬匪易何以

詩二

五

補聖明所思在獻替

除夕小亭招飲座上舉賈浪仙祭詩事

小亭主人才高翔秋來健筆搖岳陽鶯堠烏亭足吟興歸
來示我詩滿囊滿囊詩句滿座客高築詞壇作除夕有懷
島佛撚吟髭年年設祭陳新詩韻事豔傳許相效莫辭共
引琉璃卮我媿粗官走塵土不學浪仙作詩苦窮年底事
勞精神欲飲茫然何所補

題劉誠意伯授經圖

明祖舊迹侔漢高子房伯溫皆人豪析圭遽尋圯上老伯
溫去遲子房早敷陳王道卑陰符子房策士伯溫儒儒術

致身爲帝輔，詒謀更重經。鄒五穀中野，服粉本傳披。圖猶見鬚眉，古二子垂手立。座隅少者豐，下長者癯。更有文孫貌，秀出卅角卓。立庭前趨三人，傾聽皆側耳。想見紛綸析，奧旨緬惟還。鄉洪武初，此時未上天文書。陰陽風角噴，人口保無猜。忌生宸居矧，乃功高嫉者眾。古來讒慝羅空虛，蟲網潛覷茂先甲。明珠妄說文淵車，意者先生明眼早。窺透而乃閉戶窮經，效學究尤悔庶幾。莫云邁奈何，尙有談洋謗議興，不使君恩保勳舊。

榆葉梅

歷歷白榆栽，日邊天孫聘。後榆無錢九，天玉女落咳唾口。

詩二

十六

脂吹上星榆樹，一枝手折下人間。點點脂痕帶仙露，露珠醞釀結花胎。幻出花身樹樹梅，北地至今誇異種。海棠陰裏報花開，花開占得十分春。縱是無香也動人，修到今生疏影透。尙留碧葉認前身，今生花影前身葉一樣。梢頭照明月，不讓羅浮蝶夢醒。珊珊獨抱神仙骨，淡似晴雲濃似霞。難將麗句寫風華，頰邊潮暈垂青鬢。腕上膏紅卷碧紗，我愛梅花絕塵俗。孤山舊訪林君復，長安作客隔清遊。竹外橫斜夢懷觸，仙袂難攀綠萼華。新腔且譜紅羅曲。

寄題蘇門山彭餓夫墓

彭名之燦字了凡，蠡縣人。鼎革後棄諸生，南徙登蘇門山。

餓死嘯臺旁，孫夏峯題其藏曰餓夫墓。

世事有興廢大義不可亡古來數餓夫矯矯扶綱常一餓
賤周粟西山薇蕨香再餓卻元聘燕郊朱鳥翔明亡餓者
二後先流芬芳劉餓戢山下彭餓蘇門岡劉荷特達知彭
僅遊膠庠一朝出門去誓不歸故鄉囊中壯繆書寄意深
且長南行確山路誓將投何方賫志苦不遂窮涂哭猖狂
緬想 昭代初際會時運昌旁求賢路開簡用皆才良豈
無勝國臣重糈飽太倉豈無勝國士上第叨名場袞袞列
要津蔚爲金與張夫也本宿儒搦管能文章隸籍况三輔
咫尺宮錦坊投時效利器指顧登玉堂胡爲嗜窮餓抱葉
秋蟬僵百泉流湯湯嘯臺雲蒼蒼餓夫一坏土日月長爭

詩二

七

光

題蠡湖釣月圖

蠡湖月魄圓水底照見驪龍眠蠡湖上新月銀鉤下墜老
蛟窟西風吹雲生微波波光蕩漾連星河此時扁舟載明
月釣竿手把邀姮娥夜深不知涼痕多斯人疑是張志和
我家玉湖上蘋花泛碧浪作客今幾年年年隔漁唱玉湖
之魚我所思玉湖之月遙相望何時刺舟作釣徒釣得銀
刀提壺盧舉頭見月相招呼

菊花八詠同閔蓮莊

毛芙蓉

仙骨妍皮別樣秋相逢羽化幾生修晴光冉冉晨霞淡瘦影氤氳夜月浮高士山中宜鶴警美人宮裏愛狐裘毫巔妙趣憑誰寫合倩傳神顧虎頭

泥金萬點

光明色相現花身仙界樓臺佛鉢春寶髻莊嚴雲樣巧丹毫濡染露華新芳姿省識流黃額小令誰歌點絳脣比似廣陵金帶貴品題不讓萬釘珍

落紅

一枝清影倚斜陽境到忘言淡不妨滕閣斷霞飛欲去武陵流水膩生香登樓舞女墮樓態騎馬夫人墜馬妝如此

詩二

六

風神難識面隔離消息費推詳

虎鬚

誰拔於菟項下髭怒張如戟插東籬秣陵髯紫誇英物鄴下鬚黃說健兒影上蝦簾風料峭吟成鼠筆藻紛披三毫我亦新添頰自笑鬚鬣伴爾宜

蘭陵酒

籬邊壽客最延年甕底蘭陵價十千秋雨秋風天醞釀名花名酒座招延醇醪似爾宜爲友清氣宜人可學仙多事白衣三徑送一枝心醉已陶然

米金管

芳訊重陽取次探黃人捧日罩花南鉤痕屈曲拳舒蕨爪
影玲瓏手擘柑自有金相能照耀不矜紅豔故包含萬鍾
山石元章畫米氏添成絕調三

紫白秋荷

漫嫌老圃秋容瘦分得南薰一味涼君子再逢仍本色水
仙重現亦濃妝日斜誤認池邊影風定如聞水畔香粟里
先生周茂叔擬將合傳播芬芳

徐家紫

廉鍔寒芒吐紫雲漫尋故劍說徐君江東珊架誰爭豔城
北瓊姿最不羣屏隔玻璃生薄暈杯浮琥珀帶餘醺洛陽
魏氏饒春色賸有秋光一半分

詩二

十九

庚戌

暮春偕王荔生同部憫忠寺看花復游花之寺賦此

示荔生

胥山主人來京華乘車日日趨官衙郊外草青屐不到三
春孤負長安花今朝過我喜無事禪關同敏憫忠寺寺裏
丁香五十株花藥珠聯逞妍媚紫雲片片落九天白雪層
層積初地暗香冉冉詩腸沁倩影溶溶遊目醉花間躑躅
餘興酣策馬更出城闔南城南春色已零落海棠猶開花
之庵花之海棠七株老六株盤根大合抱一株肩隨香國

中有如七雄之間韞最小萬朵爭開蜂亂飛比擬難窮態
優優美人薄醉倚闌干玉女舒笑立雲表紅暈染指翠袖
籠指痕點脣綠鬢憂老僧爲我前致詞花開難得逢芳時
客今看花來未遲遲來三日知何似綠肥紅瘦無嬌姿吁
嗟乎一年幾日花枝好百年幾日塵鞿少安得三萬六千
之日盡如今日樂惆悵斜陽挂林杪

馮小亭招同周旣庭丈汪莼卿周縵雲岷颯俞少軒
解元蔣叔起同年家響泉孝廉消寒分得待雪

風神最憶藐姑仙脈脈相思隔一年畫稿未成輞川裏詩
情先到灞橋邊甘霜誰致三千里晴日猶懸二九天欲遣

詩二

二十

巫陽問滕六玉京消息總茫然

晚來雲氣壓天低料得明朝雪滿谿擬訪戴逵船未刺思
邀枚叔句同題人從殘臘占三白天有豐年錫庶黎煮酒
烹茶文士事相須第一是耕犁

周旣庭丈邀同人消寒各賦新樂府分得小鐙籠

燕市遊春無價旣卜晝又卜夜夜來買醉誰家堂堂中鐙
火胡輝煌綠桂香疑金粟影白蓮焰吐頗黎光鐙光燭影
藏春屋照耀花枝真奪目似此良宵對此花值得醇醪傾
一斛酒邊落盡鐙花紅參橫斗轉人恩恩入門鐙光皎出
門鐙籠小金吾禁夜寒柝催琅璫生防番子來溝眼高低

足彳予人影閃爍心徘徊此時籠中鐙似豆獵獵西風客
衣透欲曙未曙天朦朧歸來一鐙尙在袖昨宵一鐙今宵
一鐙牀頭鐙籠不知數囊底金錢容易貧囊空難買名花
笑酒場無復鐙雙照桃花門巷夜經過又陪誰唱兜鈴調
隔牆徙倚心事違前街且打鐙籠圍

馮小亭招同消寒擬曹唐遊仙詩分得玉女杜蘭香
下嫁於張碩

不比江妃步漢皋也如神滸洛靈遨行廚擊出千年筍仙
窟攜來萬歲桃壁上無鐙懸月子房中奏樂有雲漱湘濱
漁父逢佳婿相約乘槎釣六鼈

詩一

三

人間容易度三霜閒殺蓬萊舊洞房尙憶定情留玉簡爲
教駐景檢神方青靈信使催何急金母層城宴已張同是
丹臺書姓氏彩鸞雙駕白雲鄉

蔣叔起同年邀同消寒賦七國宮詞分得魏國

教成新樂雜吹彈忘倦君王帶笑看聞道弄絃推趙女將
軍昨日下邯鄲

台須左右鬪光輝春日蘭臺照舞衣多事魯君揚禪語傾
城玉貌說南威

魚貫何從問後先階前碧蘚長年年龍陽拂席承恩渥日
侍君王下釣船

飛甍高處見疏星魚鑰重重朱戶扃欲竊兵符報公子釐
王沈醉美人醒

辛亥

都門新年詞

五九消寒同人咸集曰爲改歲各賦新詩或援据
舊聞或博攷典物詞皆雲爛響忌雷同爰搜市闐
之軼事采委巷之常談童穉歌謠諧以韻語闔中
瑣屑播爲短章僅可當巴人之俚曲也

鬱壘神荼慣寫真立人簷下有門神闥房掃後塵埃淨糊
得油窗片片新

詩二

三

鬧蛾插髻曉妝完刀尺深闥鎮日閒女伴招邀聊賭勝空
庭共抓子兒丸

鑊鼓喧闐街市遊聚觀人比階牆稠入京和尚由來大面
具龐然耍大頭

琉璃廠裏琉璃器盛得魚苗血色朱又聽街頭聲唳兒
童口插響壺盧

打鬼剛休又摸蝦羣兒狹巷語喧譁前街一片承平響環
鐵雙搖鼓對拋

手轉空鐘不暫停風前細曳響泠泠及時遊戲何嫌早不
待杖頭楊柳青

日影團欒罩地圓陀螺手掣善盤旋箇中緩急須斟酌莫
待翻時再著鞭

鮮鯉登筵不待烹高香虔燕貢真誠滿城都祭財神馬爆
竹終宵聽有聲

年頭禁忌俗相沿門子非遙莫漫穿破五已過風日煖好
尋親串拜新年

漫愁花價市塵增門外鏗鑼喚便磨引得兒曹齊拍手煙
中有礮礮中鐙

春盤餽餽雜葷葷粒食朝朝不御筵玉麪調和賽霜雪中
庭煎餅更熏天

詩二

三

一轉東風日影長蟾蜍旗小任飄颺青青蘆葦冰花結敲
入朱脣鎮齒涼

衫裙文錦衩紅羅香口低吟馬糞歌難得紫姑再三躍今
年可喜吉祥多

走過天橋衢路通傍城又繞月牆東添丁休怪無憑準摸
索原來在暗中

箏聲天半響參差花蝶蒼鷹各鬪奇別有傳神能逼肖三
絃手把郭東兒

著色丹青妙擅場賣燈火巷認廊房畫來舊劇輸新劇探
母爭看楊四郎

商鑑遙指短牆隈鄰巷書生得得來市僧不知陳壽志誤
將演義姓名猜

泥塗忽現宰官身煖氣能回大地春莫怪南城無火判於
今原少熱腸人

仙靈來往白雲低燕九良辰屈指稽今日驢車跑海少釵
裙都過便門西

朝來纖手入廚忙風動炊煙餅餌香節過傳柑剛十日
帝京景物紀填倉

汪蕓卿招同消寒賦新年四詠

爵秩錄

詩二

西

一卷官儀志漢臣鵠行鷺序字璘彬先朝歷事科名舊
首祚編摩楮墨新姓氏幾人光簡冊遷除循例綰青銀斗
量車載才無算漫計年資歎積薪

時憲書

九重肇位紀春王書進司天七政詳難得中秋逢閏月更
欣太歲遇重光朔頒漢室車書遠時授堯廷井里康字疊
平聲嘉兆襲定推長歷過羲黃

國朝年號惟康熙乾隆
字皆平聲今咸豐亦然

名刺

戶外稀聞車馬聲今年已罷賀新正應門遮莫呼君實懷
刺何曾少正平急就不妨供啟事防維鄭重注留名伊誰

乍入瀛洲選大筆如椽眾眼驚

門封

幾幅紅箋爛若霞丹臺新染換年華街衢杜曲連韋曲閣
闕王家又謝家體統略存官卜宅頭銜細認客停車
陋巷窮居者依樣高懸墨瀋斜

與同人詠鄴中七子分得阮元瑜

雄雉負文采乃以介節彰如何附董卓乃有蔡中郎中郎
孰嗣響元瑜同鄉邦授受亦有因文采翩翩草檄震吳
會移書驚西涼萬言奏馬上縛筆伴長槍才藻豈不懿曷
勿韜且藏不爲都護屈胡爲司空降君子守其貞富貴非

詩二

三

所望卓哉孔子泉不仕新地皇

詠四照燈效韓孟聯句體

非有徑尺玉瓊采胡滿室非有彈丸珠清輝胡照席光濟
叟可招不夜城歛闕遺編撫伊今巧製緬在昔豹髓然漢
宮龍膏貢海舶上林雁足亞東朝駝頭凸千影鬪上元九
微張七夕染鈇蠟泪浮連盤晶光射舊物渺久湮新機孰
創獲蒙銅扶質榦連錫發耀澤縣之眦其直柱立屹如石
規之眦其圓好倍整如璧鉤連棧接梯鑿空壁露隙仰綴
木蜂房倒挂么鳳翮清宵展良宴高談聚嘉客壘膾搜金
玉杯罌料琥珀不須蓮采千更謝火樹百一枝花吐紅四

圍室生白返照日有光當空月無魄惠我朋簪多仗茲佛
眼隻錫爵長明公封壤近歡伯

重陽遊光林寺

郭外光林寺年年九日來浮圖容徒倚初地共徘徊塵眼
見山洗吟懷對鞠開澄醪拌醅酌殘照落深杯

壬子

送袁子正茂才赴閩中

再戰秋風裏其如鍛羽何劍鋒仍淬厲研鐵久摩挲新政
權宜罷儒冠舞蹈多奇才終爾拔斫地漫悲歌

驪唱無端起藍田玉種成鄴臺懷往事鴛水締新盟冰鑑

詩一

三

知人譽河梁送別情城南揮手去何日酒重傾

妖氛互楚粵閩海靜無瀾楓葉沿江詠梅花隔鳴看我家

枕茗雪修竹近平安祿養戀升斗蹉跎歸計難

完糧行

倉門開縣官催村船載米完糧來嗟爾完糧戶年年遭吏
侮吏仗官勢猛如虎米入倉場賤於土東村老農糧米完
放船出城胷懷寬船艙尙賸一升米停船浙米始晚餐客
有見者問老農翁胡爲者有歡容此鄉賦重甲天下頻年
水患遭荒凶今年八月復大水十畝田無糧一鍾悉索上
倉倉吏惡百計攘奪私囊充翁今完糧歸四壁皆空空兒

饑曾無米可春翁胡爲者有歡容老農向客揖中情爲客
述昨聞建言者南糧議折色圩田非銀礦安有銀苗茁所
產非所輸厲階曷有極幸哉 九重聖且明培克之言罷
勿行輸將仍以米粒粒田中生收穫雖云薄官糧交已清
追呼無聞犬不驚家無餓石心太平明年努力勤春耕
戊午

題卞小雅明府京口從軍圖卽送之官江左

斷藤峽京江水渺渺風牛六千里一朝鼙鼓來江東環雲
直壓丹徒宮丹徒城中狼豺聚丹徒城外屯貔虎將軍奮
臂扼要衝羅致英賢入幕府小雅先生人中豪通經兼通

詩二

七

文武韜鱣堂那足展奇抱一笑攬轡披征袍軍門請 謁
把臂邀上馬揮刀下馬揮毫戎機資贊畫昕夕忘疲勞下
蜀連營賊膽落高資陷陣戰績高 帝曰書生功不小冠
飄翠羽冰銜皎兵農政事本同科又縮銅符宰江表方今
堅城拔鐵甕捷書喜卞金陵送化日光明氛禔銷金甲長
休課耕種吁嗟乎東南民力今已殫艱難供億何時寬願
君養民無殊養戰士一例看作嬰兒與愛子
己未

高恭人行十解爲邊君仲思作

并序

余與邊君仲思同官秋曹十餘年始余視陝西司

事與廣東司爲比舍仲思莅焉兩人者未午而入
既哺而出寒暑無稍閒迨共事敘雪堂仲思任益
重事益繁纍囚盈前文書堆案終日不得休退食
時輒攜案牘歸盈尺許多事之難決者翼日至稿
悉具皆挑鐙而成竊怪勤官若是其家政何以兼
治迨丁巳冬仲思喪其耦高恭人厥後每以米鹽
縈念詢知向之專意於官政者皆出壺內之助也
今年春仲思以恭人輓詞書後見示並索詩篇俗
冗久未握管今將之官黔中倚裝率成十解媿不
足存

詩二

天

空谷有蘭初茁而芳璇閨毓秀文祿占祥偉矣具眼識此
女王童牙在抱蹇修遽將一解長習姆教禮謹造次匪詡

博士書史夙嗜八法九章博涉餘事二解既筭修虔來歸

於邊萱花舒笑言之肫然佳兒佳婦伉儷百年三解威姑

在堂謹治蠶蕘威姑棄養潔蠲蘋藻感彼露濡盡然懷抱

四解

夫子釋褐京邸爰隨貴而不驕井臼猶持家政咸理

勿紊勿遺五解君子於役魚軒言復鞶鼓驟聞鄉閭竄伏

恭人曰吁毋棄我屋手製旌旗鄉兵力戮寇偵有備罔驚

邦族六解鳳雛蔚起母教孔多青鐙課讀執卷自哦觥觥

長君早掇巍科七解逮下有德爰置筵室夢緹蛇祥視伴

已出曇花幻化怒如疾

八解

休哉懿行宜享修齡奈何

祇祗遽掩葵星年不稱德孰叩蒼冥

九解

神傷奉倩詩吟

元相麟膠毋續內主永曠惟貞惟固克敦風尚

十解

葉辰生同年之官湘中以畫冊索題率成二絕卽以

送別

冰雪聰明不染埃生平丰格比寒梅春風一夜瀟湘去花
向安仁縣裏開

驪歌頓起馬蹏催冷落長安酒一杯料得清吟動東閣郵
筒定倩寄詩來

祝武母八十壽集易林

詩二

五

坤厚地德宜多受祉許嫁既婚夫子悅喜 如鵠抱子驚
奪其雄踐冰履凌由困而通 麟覓鳳雛長息成就剋身
整已天之所佑 甲乙已庚君子有成蒙受恩澤與福相
迎 雙鳧俱飛政仁民樂惠而不煩頌聲並作 君子
在朝德義淵閎四牡兼用明允篤誠 南山高岡景星照
堂宜家壽母常樂允康 節慶之德君子是則貴流子孫
長生無極

周方川六十壽集易林

陽春生長景星照堂福祚之聚善政得祥 含和履中君
子是則餌德玉杯輝光照國 雙鳧俱飛得職蒙恩宣時

布和惠而不煩 政仁民樂金城鐵郭以告嘉功頌聲並
作 湛露之歡一日九遷長樂允康眉壽多年 麟麇鳳
雛福祿來處貴流子孫千秋起舞

詩二

辛

